

勇於敢則殺章第七十三

勇於敢則殺勇於不敢則活

御注曰剛强者死之徒柔弱者生之徒列子曰天下有常勝之道曰柔

碧虛子陳景元曰剛毅之人無所畏忌見威不懼必果無迴眎其凶頑便施誅戮雖有諫諍未嘗顧盼故曰勇於敢則殺懷道之士謹於去就檢身知退靜順柔和弗敢有為不忍殺傷眾雖睚眦終懷慈仁故曰勇於不敢則活

葉夢得曰勇於敢則好殺勇於不敢則好活均於必行而不可屈故同謂之勇

道藏輯要

道德真經 彭鶴林集註

三

心集八 川文川

程大昌曰勇於敢則毅即所謂強梁者不得其死蓋推其理有取死之道焉故也勇於不敢則活即虎兕無所投其爪甲兵無所指其刃者也

此兩者或利或害天之所惡孰知其故是以聖人猶難之御注曰順天者存逆天者亡雖聖人不敢易也

碧虛子陳景元曰兩者謂敢與不敢殺與活也故意也夫天地之大德曰生故聖人以慈為寶而不樂殺人也死者人倫之荼毒也凡含生之類皆惡其死也勇於果敢者殺之道也勇於慈仁者活之道也若以此義守而不變是未明天地殺生之權也今乃曰或利或害者是於殺活有所未定耶夫人

爲不善於顯明之處人得而誅戮之爲不善於幽閑之所鬼得而殺伐之此雖有大聖之慈天道之仁不能憫救也

涑水司馬光曰聖人於天道亦不敢易言之

顏濱蘇轍曰勇於敢則死勇於不敢則生此物理之常也然而敢者或以得生不敢者或以得死世遂以僥倖其或然而忽其常理夫天道之遠其有一或然者孰知其好惡之所從來哉故雖聖人猶以常爲正其於勇敢未嘗不難之列子曰迎天意揣利害不如其已患天道之難知是以歷陳之也

王雱曰下愚小智但見眾人之所利而不知天所惡也故下文明天道之所以然當視以爲法

道藏輯要

道德真經
彭鶴林集註

三

心集八
XII

陸佃曰觀之以粗理則剛強勝柔弱觀之以真理則柔弱勝剛強故剛強天之所惡也

道真仁靜先生曹道冲曰此兩者敢與不敢然而保生者以不敢爲利謂其可活而亦有端居偶逢其禍者慕名者勇於敢捍敵而多害或有輕生而終不罹害者

達真子曰勇於敢則勇於有爲也勇於不敢則勇於無爲也無爲則任於自然有爲則因其或使有爲之爲害莫不甚於殺無爲之爲利莫不甚於活是以此兩者或利或害也天之道任其自然則或使者爲天之所惡也且天道遠而難測雖聖人猶難之況非聖人者乎

陳象古曰勇於敢是害也勇於不敢是利也皆失其沖和之妙用也天之所惡與道違也

葉夢得曰可殺而殺則利非所當殺而殺則害可活而活則利非所當活而活則害蓋可殺者必天之所惡天道難諶人不可以知其故聖人猶難之

清源子劉驥曰勇於敢或以得生勇於不敢或以得死此兩者或利或害天之所惡孰知其故是以聖人猶難之然要其終而盡其變然後知天網恢恢廣大雖疎而不失也

天之道不爭而善勝

御注曰萬物之出與之出而不辭萬物之歸與之歸而不迂

道藏輯要

道德真經
彭鶴林集註

言

心集八
川上

是謂不爭消息盈虛物與之俱而萬物之多皆所受命是謂不爭而善勝

陳象古曰天法道故如是

碧虛子陳景元曰天道自然平施不逆萬物而萬物自尊之豈與人校其敢與不敢殺與活哉然而人自服從者不與物爭而能善勝者也所謂勝物而不傷非由其勇敢也

涑水司馬光曰任物自然物莫能違

穎濱蘇轍曰不與物爭於一時要於終勝之而已

王雱曰天爲羣物之父豈與赤子爲敵乎

清源子劉驥曰不爭而天下莫能與之爭

不言而善應

御注曰天何言哉變以雷風示以禍福無毫釐之差有影響之應

碧虛子陳景元曰天何言哉四時行焉百物生焉而福善禍淫之應信不差矣

涑水司馬光曰隨其順逆應以吉凶

顏濱蘇轍曰天何言哉四時行焉百物生焉未有求而不應者也

清源子劉驥曰不言而萬物莫不受其命不召而自來

道藏輯要

道德真經 彭鶴林集註

三五

心集八 川石

碧虛子陳景元曰天道高遠又無言教何嘗呼召萬物而萬物背陰而向陽春生而秋實暑往而寒來

涑水司馬光曰不疾而速不行而至

顏濱蘇轍曰神之格思不可度思矧可數思夫又誰召之哉臨川王安石曰陰陽代謝四時往來日月盈虛與時偕行故不召而自來

坦然而善謀

御注曰德行常易以知險

臨川王安石曰以其常易故坦然以其知險故善謀

顏濱蘇轍曰坦然舒緩若無所營而其謀非人之所及也

天網恢恢疎而不失

御注曰聖人爲能體此故不就利不違害常利而無害所以與天合德異夫勇於敢者

碧虛子陳景元曰張自然之羅故曰天網縱太虛之寬故曰恢恢四達皇皇是謂疎幽明難逃是謂不失

顏濱蘇轍曰世以耳目觀天見其一曲而不睹其大全有以善而得禍惡而得福者未有不疑天網之疎而多失也惟能要其終始而盡其變化然後知其恢恢廣大雖疎而不失也達真子曰皆其自然之所致惟勇於不敢者能同也蓋能同於天則能同於道矣

道藏輯要

道德真經
彭鶴林集註

美

心集八

黃茂材曰四者天之道也人能順天則存不能順天則亡無謂其道闊遠可得而欺也

程大昌曰天之覆物也廣矣苟於細小之地而致察焉則效近而力狹所謂三年生一葉則物之有葉者少矣正其理也夫惟總大略小則夫不能致察於初大類乎疎矣然要其終驗其大則夫一定而不爽者常可必也故曰一雀過弄必得之則以一人而候一物者耳以天下爲之籠而雀無所逃此明於廣大者之論也世之疑天者始如夏葉有一黃落而執之以爲不純乎陽冬枝而有一華實而指之以爲不純於陰豈其可與論大者哉屬之與也商之賢者不聞在亡皆得伸

氣而伯夷叔齊餓死於首陽之下至於漢之武帝慕古好儒而司馬遷獨受刑辟故遷發憤於夷齊以舒其怨而曰天道無親常與善人若伯夷叔齊者非善人耶此以一葉焦枯而議夏以一枝華實而疑冬者也遷蓋好黃老而不得夫恢恢之大旨者也

民常不畏章第七十四

民常不畏死奈何以死懼之若使民常畏死而爲奇者吾豈執而殺之孰敢

碧虛子陳景元曰不畏死有二義達者得其常理而不畏死愚者失其常理而不畏死夫人生而靜天之性樂生惡死人

道藏輯要

道德真經
彭鶴林集註

三

六

心集八

之常耕而食織而衣安其居樂其業養生葬死此世之常禮也夫民存常性官守常法而無枉濫皆得其死而生死得常則何畏之有逮德下衰不能無爲禁網繁密民不聊生盜竊爲非欺紿生亂小恐惴惴而懷驚大恐纒纒而忘死如何刑法滋深主司暴酷更以大辟族誅之令而恐懼於良民哉畏死亦有一義養生謹慎之人畏其天死而修德也造惡偷安之人畏其刑死而矯法也人之自然也則含哺而嬉乎淡泊鼓腹而游乎混茫雖百年之殂而不知老之將至此順化之民也今乃法令滋彰動入死地是使民常畏死夫民畏死則偷安其生偷安其生者未有不先興奇變姦詐之心而矯其